

劉仁航新著


東方雜誌社發行

# 作戰財務計劃

第一年度

又名新農工經濟政策

上海國貨日報社出版



336  
7222

### 墨子尙賢篇

爲賢之道奈何？

曰有財者疾以分人。(一)

有力者勉以爲人。(二)

有道者勸以教人。(三)

如此則飢者得食，寒者得衣，亂者得治。

注意 篇末附上洛陽軍事委員會救亡十策

MG  
F812-96  
715

68592

作戰財務計劃  
及新農工經濟政策

第一年度體系表

五十年  
四萬萬

精神

- 一 富
- 二 強
- 三 公平

甲武力抵抗

- 一 充實陸空海軍
- 二 購造軍用機械
- 三 完成交通幹路
- 四 收復失地 昭雪國恥
- 一 召集國難經濟會議
- 二 召集全球僑務會議
- 三 普及國貨救國會
- 四 平均貧富稅率

作戰財務計劃體系表



3 1797 8669 8

# 大中華民族

## 體力

### 乙經濟抵抗

- 五 節用富人賞財(免買洋貨害國害民)
- 六 集中金銀禁金出口
- 七 統一幣制發地寶鈔(二十至五十萬萬元)
- 八 政府押當收買民田 民向政府取息
- 九 大興機器製造
- 十 開採煤鐵金銀各礦
- 十一 實現築港 治水 疏江導淮
- 十二 墾殖屯邊
- 十三 普及平民教養
- 十四 厲行義務教育保障教員生活
- 十五 推進僑民營業
- 十六 發展國際貿易
- 十七 廢除不平條約
- 十八 改訂關稅

丙文化進攻

- 一 兌現平均土地 節制資本遺教
- 二 實行墨俠之兼愛節用
- 三 實行孔孟分田制祿之聖道
- 四 實踐佛菩薩之慈悲布施
- 五 實做耶穌之博愛犧牲
- 六 實現三代井田制產之王道
- 七 宏擴漢唐大元之雄圖
- 八 國民有比利時抗暴之勇氣
- 九 首領有舜禹之克勵與甘地之感化力
- 十 士人有許行 沮 溺 陶潛 顏元  
之耦耕 與託氏克氏之工讀運動
- 十一 婦女有貞德 司徒活 放奴之義俠
- 十二 發揮東方人道非戰文化 創造全球  
大同

作戰財務計劃體系表

# 序言

嗚呼！中華遂亡矣、中華民遂真爲亡國奴矣，二萬里之地圖變色，五千年之文明掃地，四萬萬之民生破產，所謂偉人土女同爲奴隸僕妾而已，乃首發難者，發自我東藩彈丸三島之倭，咄咄怪事、其夢耶，其傳之非其真耶，鬼氣襲我耶，真有此怪事出現于青天白日耶。吾嘗遍觀古今中外之民族人物矣，有若成功之領袖，則吾黃帝建國，禹平水土，摩西率猶太人出埃及，摩罕默德創回教國，華盛頓創美國，列甯造新俄之類是也。有若失敗之英雄，則漢雖亡而諸葛亮人格成功，宋雖亡而岳飛，文天祥人格成功，明雖亡而史可法人格成功，非洲之加爾達額雖亡於羅馬，而漢尼拔仍留赫赫大名。失敗英雄，與成功人物同其偉大焉。

吾更壯觀各民族之氣概，有足令人發憤者，夫德意志，六千萬之民族也，而信仰尼采超人學說，必欲統一全歐，以一國與全球三十二國戰，歷五年乃休，夫法國

，一四千萬之民族也，當大革命時，列強以神聖同盟壓迫之，阻其變政，乃出一拿破命，推翻列強，且幾混一全歐焉。夫極小之比利時，一七百萬之民族，當吾一大郡耳，發義憤，抗暴德，血戰五年，竟獲勝焉。夫俄國，一荒塞之民族也，乃列甯等固執馬克司學說，與富貴階級戰，與世界帝國戰，歷十五年之艱危，竟有五年計劃成功，爲世所羨畏焉。夫日本，徐福三千童男女之苗裔，吾舊藩也。自變法以來，割吾琉球，臺，澎，滅吾朝鮮，近且吞滿洲，公然發表其吞中國，吞亞洲，統一世界之政策焉。彼雖大言不慚，而我真難堪矣。再論印度，已亡之國也，而出一聖雄甘地，生活簡單，嘗爲數日之禁食，以感化其民衆，抵抗英貨，致英工場銀行紛紛關門，一年損失六萬萬餘盧布，合華銀十餘萬萬元焉。今夫土爾基，一僻塞貧弱之國也，自凱末爾執政，厲行變法自強，加入歐戰後，赫然爲世界強國焉。今夫意大利，戰後幾淪破產，而有墨索利尼強毅建設，今且不失強國之資格焉。且夫暹羅，佛教小國也。乃能變法圖強，關稅自主，其地位過于



我焉，乃至印度西北之尼泊爾，本我舊藩，憑險恃強，號小暹羅，爲英人所畏，殆可大半稱獨立焉。

夫不自知者取鏡于人，環顧世界，不論大小強弱，乃至已亡之國，均有辦法，而何況中華乎。仁航生於此土，曾比較東西古今而頗愛其文化，嘗著東方大同學案，天下太平書，以爲此地之大，物之庶，民之衆，文化之古，假若用中華統一全球，最爲公平。因其人口占全球四之一，以一服三，較各國人口少者，最合資格也。乃今且不國，爲奴不暇，嗚呼，人亦何貴乎有此生哉。乃盱衡古今，斟酌中外，按照時勢需要，及民力可能，於西一九三二年，即民國二十一年頃，著新農工經濟計劃，將以圖對外大抵抗，對內大建設，與對全球大創造。上而政府，下而民衆，或從中央推行，或從社會改造。由此道者，遲則三十年，中則二十年，速則十年八年，不用俄之階級鬥爭，而可以化零爲整，化舊爲新，化手工業爲機器生產，化貧弱暴亂，爲富強平安，且對外可集中全力以作戰，可如德之戰三

十二國，俄之禦列強，法之禦神聖同盟，乃至如元之奮興亞歐，均無不可。夫亦在非常之創造者，與多數之羣衆，大慈大悲，大智大勇。斬釘截鐵，決心毅力，以共赴之而已。

嗚呼，深山大澤，實生龍蛇，吾不知五嶽四瀆，喜馬拉牙山以東，太平洋之面，其將有此知恥發奮之英，一洗黃帝子孫之恥也，抑竟不獲一睹，而垂首下氣，甘爲人僕妾牧圉，以送古國半壁之斜陽，爲憑弔者之資料而已也。吾常沈吟拜輪哀希臘之詩，不勝揮淚而三歎也。嗚呼，喜馬山與太平洋，嗚呼五嶽與四瀆，其有靈耶，其不靈耶，則非所敢知也，噫。

## 新農工經濟計劃說明

今中國患四禍，曰貧，弱，暴，亂，也。貧者，洋貨入超年七萬萬元。現金將竭，農村破產也。弱者，養兵二百萬，無力抵抗，坐待瓜分也。暴者，軍閥財閥，掠奪暴富，侈佚縱慾也。亂者，匪共亂兵，蹂躪村市，雞犬不寧也。有此四禍，故人皆日希望四福。

四福者，謂富強平安也。富者，至少能自製自用，關稅自主，脫離外債外貨，而經濟獨立也。強者，能雪恥禦侮，收復領土，廢除不平等條約也。平者，能實現平均地權，節制資本，解除貧民痛苦也。安者無兵匪擾民，人得安業也。去四禍，享四福。乃中國人人所日夜期望也。

然欲研究其方法，則不可不深知二十世紀列強造成此世界之原動力。夫其原動力有四、一、曰科學分析化、二、曰社會集團化、三、曰經濟統一化、四、曰大機

器生產化。

一曰科學分析化者、對一切學術、分門別類、專精研究、立會調查、獎勵發明、補助試驗、派遣游歷也。二曰社會集團化者、不論政治經濟、內外企業、均有大規模組織運動也。三曰經濟統一化者、幣制不紊、銀行保險、制度完整、匯兌不虧也、四曰大機器生產化者、除少量手工業外、皆用大機器生產、吸買劣等國民之原料、變成熟貨、用武力壓迫傾銷、以他人爲奴隸也。以上四種力、不論新舊帝國、其物質生產力均超出我上、而挾其機器過剩產品、塵飛潮湧、打倒我市場、濟以船炮、壓迫我人民、爲道不同、而足以亡我則一、計再過六年後、傾銷更甚、全國當盡成無產者矣。

夫英美等以工商立國、爲資本政府、尙個人自由競爭、貧者卽爲罪。俄以農工立國、爲勞工政府、尙團體競爭、富者卽爲罪。惟我承數千年宗法社會習慣、以家族八口爲競業單位、任其貧富生死、委諸自然天命、不知組織大團體、保護共進

。以無組織力故、一、不能分析科學、二、不能集中經濟、三、不能運用機器、生產物質、已不國矣、况復近年暴富者流、醉心洋化、競仿摩登、每年納稅政府者、止五六萬萬元、而納於外貨者、入超至七萬萬兩以上、結果國與民同歸破產而已。

然則以我八口單位小團體、挾其手工業、欲與英美個人集團、俄之一國集團、運用大經濟、發動大機器之民族、共爭生存於天演界、則何殊手搖紗車之鬪大紗廠、手車之遇火車、小船筏之遇海輪、刀弓石之戰機關鎗矣、其勝負尙待比較而後知乎。

雖然、勢已至此、補救方法、當如之何、答曰、第一先要有組織而已、不論從政治組織、從社會組織、必須漸改變舊制、經過合格訓練、成一種集團化、然後第二可以集中經濟、第三可以運用機器、第四可以增加生產也、中山先生常云、一我但有家族而無國族、一準此言之、今後若圖國族之生存、別無他道、必從富者

方面、縮小其家族奢侈慾望、節取其鎔耗糜費、集少成多、爲衆合作社、更集成爲一國族生活團、以此國族團、形成一統之大組織力、爲基本、夫然後可以吸收大經濟、發動大機器、增加大生產、以富民而強國矣。若夫空言抵抗、亦何濟乎。

然則組織團體當從何始、曰、可分二大別、整組織者爲政治團體、分組織者爲社會團體、其結果、皆以能轉移經濟力爲歸宿、關於社會組織者、則當以公司、合作社、新村、自治等運動、爲出發點、然救國之急、政治爲要、此篇乃從整計劃上立法、其從社會上運動之法、詳于他篇、左就本篇、說明其各部需要之點、及步步相關具體聯貫之因果、缺一不可者也、

夫魚依水而活、人以財爲養、個人團體無往不然。今不能作戰者、公私患貧也。然貧根不拔、貧苗將長、貧之根、卽每年洋貨入超、吸收我五萬萬至七八萬萬元之現金是也。今人知失東三省爲可痛、而不知日人卽得東三省、尙須先賠墊犧牲

、而好用外貨、使外人白手拿魚、其禍真不可救。且買外貨必用現金、自通商以來、外耗之現金、凡一百萬萬元、今全國所有現銀、不過二十二萬萬元、而每年外漏者多至七萬萬兩、由此不變、再數年即將洗庫矣、然試考能用洋貨之人、則皆非鄉村窮人、不外富人之浪費、其來源皆取自貧民血汗中者。既不知用以合羣造產、反白手齎敵、現金外漏、如人流血不止、死而後已。然用甘地之抵貨精神、又不能行於中國之富人、則欲恢復國力、非限制富人財產之用途、則流血不止、漏卮不塞、孫總理雖有平均地權、節制資本之訓、迄未實行、今研究行法而惟先

### 平均貧富稅率 節用富人財產而已。

何者、今欲抗外侮、抵外貨、平鬪爭、謀治安、此四事皆非財不可。而自古及今、斷不能從窮人身上取財。惟有用孔孟之道、均田制產、節用愛人、墨子之道令

富者分財。 貧者出力。 學者出智。

各盡其能而已、故當此外界富強物質壓迫之秋、惟發憤勇決、組大團體、吸收大經濟力、用大機器、事大生產、有雄厚物質、方可禦外、若零星小團、捧土以塞孟津之黃河、則何濟也。故此新農工計劃、乃估量全國富人之財、約四五十分而抽取其一、每年分期、取之以漸、合小成大、化私爲公、以有餘養不足、化零爲整、化舊爲新、避免階級鬭爭之破壞、逐漸增加國族之生產未循序積漸、遲則三十年、中則二十年、若增加速度、則十年亦可。使我全國爲物質化、科學化、機器生產化、衣食住走、以及自衛之具、不借外債、不用外貨、可以獨立矣。

考英美各國機器生產、乃歷百十年積富而成、似難遽進、然進化公例、後來居上、俄國新進、奮其猛力、直追美國、故俄工業、一躍而居世界第二位。其五年計劃用款、共約合華銀五百萬萬元、但俄人數約當我三分之一、其民、每年平均一年



担一百萬萬元、今此計劃、每年集款爲二十至五十萬萬元之譜、不過當俄十分或十五分之一、尙未與歐戰時國民負擔等。果按年實施、就中以三分之二教養平民、大興建設、以三分之一收復領土、復仇雪恥、不必言裁兵而兵皆衛國、不必爭統一而內戰自泯、上符三代井田富教王道、實現平均節制遺訓、救貧弱暴亂四禍、成富強平安四福、行之以序、節之以禮、計無便於此者也。至于分配用途、暨督稽核、則大權在全國國難經濟會議。立法在此、亦視人爲耳。若夫墨子之教、摩頂放踵、太公之志、發揚蹈厲、值此巨艱、誰不如我、力行近仁、知恥近勇、存乎其人、不在多言矣。

作戰財務計劃說明

# 作戰財務計劃又名新農工經濟政策目錄 第一年度

## 一、名稱 名如上

二、宗旨 建設富強公平政治、抗外養內、實行平均節制政策。

三、採用方法、（甲）、印度甘地消極抵抗精神、組全國國貨救國會。

（乙）、俄國積極物質大建設、集中經濟、延聘技師、製造兵農工之要需。

（丙）、採用歐戰經濟政策、政府得用非常手段、籌款理財。

（丁）、根據三代分田制祿、孔墨節用愛人立國大經、而用平均貧富稅率、節

用富人賞財方法、實現平節遺教。

四、政府押買民地及不動產、民向政府收息。政府如一極大之地產

公司、便於發行鈔幣。

五、國家估量土地、發行全國土地寶鈔、鈔上畫中華全盛時疆域

作戰財務計劃目錄

、并印寸土寸金、有土有財八字。每縣勻計一百萬元、全國每年收到十七萬萬元之譜。

## 六、現金籌備法、準各國戰時財政政策、重收富人稅率。

(一)嗜好品稅。甲、烟酒公賣。乙、禁酒。丙、與烟酒同類品稅。準美國酒值百抽八百例、更加倍稅之。

(二)奢侈品稅。化妝品、汽車、電報、古董、玩器、首飾、照相具、細毛皮貨、貴重鐘錶，婚喪壽儀等、香箔、稅百分之一百二百三百。

(三)半奢侈品稅。糖肉類、筵席 雞鴨火腿 大魚 玻璃 顏料 油漆每尺過五角之上之織物 馬車 一切建築材料等、稅百分之三十至一百 出洋貨品。則特保護之。

(四)遺產稅。以直接子女爲限 準美稅百之四十、意百之七十五、照中國生活不滿千元者無稅、按累進法、萬元以上稅百之二十、五萬以上稅三

十五、三十萬稅百之七十、五十萬稅百之八十，百萬稅九十、自己申報、不實者罰。

(五)增收所得稅。地產、房租、營業得益、法團或個人、債務利金、公私薪水、均按累進法收富人稅、農人在四十畝田以內、市民在月收二十五元以內不加稅四百元以上者、分別收至百之七十。

(六)罰稅。賭、鬥毆、嫖、但須皆使歸公。

(七)增加交通稅。加掛四等車、不加稅、而三等倍收、二等二倍、一等三倍收之、除軍事調遣外廢止特別掛車、以節煤力、船支飛機準此。

(八)整理鹽稅及雜稅。

(九)精核收支方法、釐剔中飽。

(十)最後則仿德國戰時財政法、發行國難犧牲券、向特別富人募集之。

以上各種稅收爲基金、發行二十萬萬之地寶鈔、決不慮戰費不足、亦不

借外債、參考 總理所論歐戰掘大戰壕之非常心力學、 改編全國軍隊  
爲雪恥救國軍、 不願雪恥救國者、號召所在地民衆、共解除其武裝。

(十)集中現金法。 歐戰時英國亦停兌、 甲、集中現金於中央、止供公家  
買外國機器原料之用、 乙、禁現金出口 丙、向華僑買金、或令匯金  
祖國、 丁、獎國內富女舊金國庫、仿羅馬名女俗、辦女會、提倡之、  
戊、速開金礦。

### 七、召集二種會議 均於京開會

(一)召集國難經濟會議三目的、一決定恢復失地、 二、決定大製國貨、

三、決定實現平均地權、節制資本。

子、代表人數 每縣學農工商女公舉五人、每省選十人、政府聘專門家  
四分之一、 華僑代表、國貨會代表各若干人、政府代表十人、共  
約四五百人、定籌集救亡巨款、及支配與盤核之方法。

丑、會議大綱 一、地方代表、在宣傳與監核 二、專門議員、在計劃設備 三、華僑代表、在決定對外貿易方針、 四、國貨代表、在調查各地商況需要、 五、政府代表、在綜核決定、 六、難決者用抽籤法。

寅、常駐監核員 每省舉三人、華僑合舉數人、逐日監核一切、并公報之、最要在逐日查明現金之數。

卯、監核草章 一、收支儲核、四權分立、 二、地寶鈔存儲國庫、省庫、縣庫、區村或由郵局代辦、 三、公布金數、 四、非經監核員簽字不得動用、 五、違此法者。全體監核員電全國拒用政府鈔幣。

(二)召集全球僑務經濟會議、每埠一人、直選、或就近指派、用費由各團體自任。

(三)召集全國國貨救國會議、用費由各團體自任。

組織法、一、各省專業、每業代表一人、二、各省複選各縣商會之代表、每省三人、三、各地國貨會及國貨報社、每機關代表一人。

## 八、地寶鈔幣之用途

一製造機器廠

九開金銀礦

二大規模植麥場

十完成交通幹路

三植稻場

十一國防化學廠

四麵粉廠

十二布呢絨毯等廠

五植棉場

十三製革廠

六紡紗廠

粗細各紗

十四紙廠

七煉鋼鐵廠

十五糖廠

八開煤礦

十六車廠各種車及附屬品



十七船廠

二十六築港

十八鎗炮廠

二十七設對外貿易統局

十九飛機廠

二十八設護僑局

二十 電機廠

二十九設鄉村無費貸款所

二十一曹達琉酸等廠

三十 實施強迫教育訂教員退職獎金

二十二農具廠

三十一設傷兵院

二十三玻璃廠

三十二設養老廢疾恤孤盲啞院

二十四中央造幣廠

三十三設各屯墾局

二十五治水疏江河導淮等

### 九、新農工社會職工之待遇

十五倍二、不輕開除而有罰懲 三、家屬種種享受 四、十二年以上可以養

老。

十、財務人員保障法 一、不受主任員變動影響 二、無故不免職、三

、十二年以上有退職俸、四、子弟入學減費、五、貪贓重罰。

十一、各廠所產財物及利息之獎勵分配 一、先維持本廠經濟之獨立

、二、維持地鈔信用、三、職工之分紅與儲蓄、四、懸賞以待發明

之職工、五、聘外國名匠、或獎派出高才出洋 六、平價分售於各地、

供其缺乏、七、出口由統局統銷、八、精究替代外貨步驟、九、公

物妥善檢儲、十、嚴核濫費與不公 十一、逐年核計、以求推廣、十

二、統計每年需要而製造、免除失營危險。

## 作戰財務計劃又名新農工經濟政策第一年度

一、名稱、名為作戰財務計劃、又名新農工經濟政策。

二、宗旨、建設富強公平政治、抗外養內、實行平均地權、節制資本、化

除階級鬥爭、預備大同基礎。

三、採用方法、甲、採用印度甘地精神、消極抵抗政策、以用洋貨為奇恥

大辱。組國貨救國會、遍全國村市、嚴密監察執行之。

乙、採用俄國物質積極大建設方法、集中全國經濟物質、延聘各國專門科學

製造家技師工程師、分類製造重工業、民生要需、國防武器。

丙、採用歐洲大戰時各國經濟政策、政府得用非常手段、制定籌款理財方法、用濟國難。

丁、根據三代分田制祿、孔墨節用愛人立國之經、使富者出財、貧者出力。

實施

平均貧富稅率

兩法、

節用富人贖地

以達到平均地權、節制資本之遺教、

以上各項說明、詳於另章、

#### 四、政府押當、收、買、民地、及不動產。民向政府收息。

按三代井田制度、計口授田、田皆國有、今暫未易行、然中國各省土地廣闊、民貧而價低、故全國公私經濟、皆不發達、若創新法、準人民押當或賣土地及不動產與政府、政府照市價、或當或買、若押當則照例可出半價以上、由政府給以現款、另一法不與現款、按市價定值、與以證摺、按月付息、其息年約三四厘、至人民贖期、以十週年爲限、限滿不贖者、與以滿價、收歸公有、

市價、由各縣鄉區之經濟會議評議、而縣政府酌定之。

說明、此法推行、一者、令全國死土地、皆變活動產業、可發展經濟、因中國土地廣大、有土卽有財也、二、政府有多量土地、授或租與無田之民、三、此卽爲收土地爲國有之第一步、四、可救濟有田不耕、及無田可耕之不平等等、五、政府有廣大土地、發行鈔幣、如一極大之地產公司永不患貧也。

## 五、國家估量全國土地、發行地寶鈔幣。(鈔上印寸土寸金有土有財

八字、并照畫 清代中華全盛時疆域圖、印於此全國地鈔上、以鼓勵人民收復熱情。但此條與前條并不相連屬。)

法以縣爲單位計算、每縣下分五六七八鄉區、大縣或方三四百里、最小縣亦方五十里、然甚少矣。今假定每縣平均方八十里至一百里。每一方里爲五百四十畝、每方十里內含一百方里。一縣若方百里、則含方十里者百、

約得一萬方里、以下可類推。

據統計家云、中國凡十六兆方里、(即一千六百萬方里)蒙藏無論、而新疆東三省尙不在內。今即除東三省一百二十餘縣、現未收復外、加新疆在內、尙存一千七百餘縣。每縣平均一萬方里、尙有餘也、(英文書云、中國有四兆英方里、每英方里合華十方里、蓋中國全土、約四千萬方里也、此則平均每縣二萬餘方里矣。)

次論戶口、每縣勻計二三十萬人。若廣西某縣之萬餘人、南通之百二十萬人、均爲例外、要以四五萬萬人、分配在二千縣以內、每縣勻計、人口在二三十萬之間。

就上述中國全境各縣土地人口、而述其經濟狀況。雖各地不等、而論其大致、則各縣多有人民錢莊自流通之錢鈔等票、及銅子票、雖不遍及各省縣而各省大抵有之。查其根據、并非若土地不動產之可靠、故常有倒閉、致

一方受累者、然人民仍安之、亦不過習慣使然、供資本家剝削貧民之用耳。今若仿此制、化私爲公、估量各縣土地及人民之數、與其生產稅額、而由國家發行『地寶鈔幣、』第一年度、平均每縣發行一百萬元、此項公產、爲國與民所共有、由政府與全國經濟會議決定其用途、以大興農工、救養平民、填塞漏卮、救濟國難、整理金融、統一幣制、調劑國與民之間、爲一無限大組織、養內禦外、較之零星釐金雜稅、其便多矣。

至現金儲款之數、照農業銀行例、預備十五分至十分之一已可、然卽十之三亦不難、(籌款法詳後)其實今日幣制已到信用貨幣時代、若統一幣制、集中現金於中央、平常市面、固無流通多數現金之必要也。

地寶鈔幣之殊效、凡藏至五百元以上者、可隨時呈請各級政府、介紹在全國境內各縣、購買土地、各級政府有保護介紹之責、按照市價購買。若存此鈔若干萬以上、可請各級政府、執行收用土地制、於合宜地點、備價收

用之、或將公有地撥與之。如此則此鈔之值、與土地契等、且過於平常鈔幣、可不脛而走。凡個人或團體、皆可收存若干、任意於各省適宜地點、建設新農村新工場收場。而海外華僑收購更易、東南人民、可存此鈔、聯袂以入西北、經營農植懋收、不費招徠而競至矣。

但此鈔外人得之、不能逕購華地。

此條與前一條互用而各殊。一化地成幣、一化幣成地、相輔相反、而皆可以使全國土地與資本活動。有土此有財、有財此有土、如此則人貴地土、不寶殊玉、乃悟我中華山河、寸地不止寸金、全民一致、輸將巨款、決心恢復失地、共爭無量巨富、使愛國與愛地觀念、合成一片、則對外一致、對內統一之熱情、更爲踴躍也。

此條之精意、在從各縣之有產階級、取其若干分之資、以養一縣無產窮民、大興農工製造、一縣窮民得養、則如辦民團、剿土匪、買鎗炮等之負擔



、可盡去、卽綁票之恐慌亦可免除、一轉移間、且可生產大利、化私爲公、化零爲整、化舊社會爲新社會。化兵匪共爲農工生產、各縣齊辦、全國成一大組織團、力可以操縱世界金融矣。例如江蘇一省、每縣百萬、可出六千餘萬、而巨三省之淮河、全導不過七千萬、又何必借外債乎。日役十萬人、化兵爲工、其計均可實現矣。（中國決尙非破產蘇省每年香烟銷耗至少在六七千萬元以上、可足導淮之用、或每年建數千里鐵道之用、惜乎、被富人吹作雲煙去）。

若每縣平均一百萬、以全國一千八百三十三縣計、若除去東三省一百餘縣、尙存一千七百餘縣、一年仍可得上七萬萬以上之收入。

且以後可按收入營業之利息、并非全用之於消耗、又對於全國各縣、酌量情形、按年遞收、以至將全國土地買收歸公有爲止、而以此逐年所收之公共財產、爲人民造新村市、仍爲人民之公有物、新者逐漸造成、卽舊者無

妨捨棄、化舊爲新、化零爲整而已。

此項收入、若每縣平均百五十萬、則可收三十五萬萬以上、決可對倭開戰。此項收入施行後、各種公債券、可均停止、查歐戰時各國負擔、均溢出常額百分之八十以上、其方法不論如何、不外發行公債、與增加各項捐稅、所謂「羊毛出在羊身上」仍取之於富民而已。中國今人大致皆主戰、然戰費非年備二十萬萬元以上不可。故上項計劃、爲最精密之確數、若贊成戰、則有增無減、敢斷定也、彼日本明年預算二十二萬餘者、因其已有多年預備也、若我則除常稅五萬萬以外、必須增收二十萬萬之譜。

六、現金籌備法。夫出十七萬萬以上之鈔幣、則現金籌備宜急矣、茲述其法之重要者、準各國戰時財政政策、向富人從重收稅。

(一)嗜好品稅、

甲、烟酒公賣

## 乙、禁烟

### 丙、與烟酒同類品稅

說明、以上各稅今均有之、然入款甚微、查各國稅法、意大利收烟稅值百收三百、日本值百收三百五十、美於菸葉值百收四百五十、又於酒值百收八百、今若救國難、對此烟酒害人之嗜好品、宜至少、從值百抽一千二百起、至一千五百或千八百、就中仍分別貴賤、定其等次、須知、歐戰時各家自己食糧均受限制、何況此無益之費乎。然進一步收歸公賣、更爲直捷、若於未公賣前、加稅至值百抽千亦可。

### (二) 奢侈品稅

如化妝品 汽車 電報 古董 銅磁玩器 首飾 金銀珠翠牙玉雕刻字畫  
照相器具 細毛皮貨 婚喪壽節等儀仗 貴重鐘表 香箔對聯用紙等、稅  
收自百分之八十起、至百分之三百、

作戰財務計劃

(三) 奢侈品稅

如糖肉類 雞鴨火腿大魚 筵席 玻璃 顏料 油漆 每尺過五角以上之織品 馬車 石灰 斯門汀 一切建築材料等 分別等級自百分之三十至百分之百。各貨輸外洋者特別減其出口稅、而不減其國內銷行稅。

(四) 遺產稅。遺產稅指直接之子女承受而言、查各國制度、意大利當一九一九年、戰後整頓財政時、對直系親屬之遺產稅、稅百分之一至七十五、而傍親者一概沒收之。美當戰後一九二十年、亦收至百之四十。我國人現時大有覺悟、均以此爲貽害子孫之禍根、今按照中國生活狀況、宜以一千元爲標準、不滿千元者免稅、千元以上、稅百之一、更按累進法。

萬元以上者稅百之二十、五萬以上者稅百之三十五、三十萬稅百之七十、五十萬稅百之八十、百萬以上者稅九十爲止、節制資本、先從遺產稅起、夫婦及子女、各以個人所有私產計算、

以上數目、由各人自己申報、不實者許人控告、證明者罰收之。

凡萬元以上者、除稅百之若干分外、再用累進法、加附加稅、按年收之。

(五)增收所得稅。內含地產 房租 營業得益 法團或個人 債務利金 公私薪水 贈與金等均按累進法、從重收稅。

重要說明。我國古代之黃金律、爲分田制祿、因彼時尙無資本制發生故也。總理斟酌新舊、按照國情、手定平均地權、節制資本政綱、然至今徒託空言。今從實施上研究、必用平均貧富納稅比率、及節用富人資財二法、總理政策乃可實現。何者、今天下最不平之事、莫若貧富納稅之不等、我國對外、主爭改訂不平等條約、而對內貧富徵稅之不等、先須改訂也、何者、今人有三畝田、與有三百畝三千畝者、其納稅率均同等是也、夫有三畝至三十畝、(就上地言者)此項財產、完全爲維持生活之必要、若四十畝至七十畝者、則稍寬裕矣、八十至一百畝者小康矣、一頃至二三頃者

、小富、四五頃者、可爲土豪矣。夫天地間公義、不外抑強扶弱、今不多收一頃以上富戶之優生所得費、而漫收三十畝乃至三畝以下貧民之生活必需費、有國鈞之權者、所謂平章百姓、平均天下者、皆欺人之言、一切法律、皆爲保障富人、眞爲窮人抱不平也。

其在都市之民、有月收四五十元者、有二三十元者、亦生活之必需費、而有十百倍於此者、一律納衣食住走同率之稅、與上項不平等之事正同均應改正如下。

累進所得徵收法 凡鄉村農民有田(佃戶除外)不滿四十畝而人口在八口以內者、一切仍舊不加收外。從四十畝以上、用累進法、收所得稅、查所得稅額、各國大戰時施行者、英至百分之四十二、法至百分之五十、美至百分之七十七、意至百分之二十五。我國自應按我生活狀況、鄉農、在四十畝以下無增稅、市民、則按其所住都市之大小、在月入三四十元以內者不

增外、其田在四頃以上、月入在四百元以上、可按等差、收所得至百分之七八十、由其自己申報、不實而證明者罰之。

(六)罰稅 若賭博 鬥毆 嫖 皆重罰之、罰法、量其一月所有、罰百分之二十至七十、但須注意歸公。

(七)增加交通稅。四等車不加稅而加掛車輛、三等車倍收之、二等車加兩倍、頭等車加三倍。除特別軍事調遣外、廢止大官之特別車、掛車、以節煤力焉、航船及航空亦酌加。

(八)整頓鹽稅及各雜稅。

(九)精核各種收支稽查方法、厘剔中飽弊端。

(十)最後則仿德國戰時財政法、發行國難犧牲券、向特別富人募集之。

結論、用以上十條籌款法，以濟難禦侮、當此民衆激昂之會、約每歲可收八萬萬至十萬萬元之新稅款（去年當馬占山初出名時、滬商會代收外洋各

地自勸捐款、已千餘萬可證）、卽以爲基金、發行二十萬萬至三四十萬萬之地寶鈔、決不慮戰費之不敷、亦不須借外債也。

昔中山先生常論、歐戰時各國人所掘之戰壕、其工程。出常人估量之能力以外、此蓋一種非常心理學也、夫成非常之業、在因羣衆心理而善導之耳。管晏所以因禍爲福、轉敗爲功也。今若能用衆之怒、決定大計、採用戰時財政計劃、於上各項、銳意稅收、數月內必可得兩三萬萬、卽先以爲基金而發行地寶鈔、十萬萬以內、再逐次推行之。則內而匪共窮民、均有新村農工事業可安置、而移內亂之心力使向外、調內亂之軍隊以禦侮、改編全國軍隊、名**雪恥救國軍**、其敢有不服編調者、民衆必共棄之、抗命者亦少矣、要之、戰時財政、亦半由利用民衆心理以施之也。

(十二)集中現金法

查歐戰時、各國財政均紊亂、老成如英國、亦久停兌、今我若計劃戰時財



政、可用五法、

甲、集中現金中央

今若有大舉、則必須買外國機器與原料、國際匯兌、須以銀易金、再以金易貨物、卽有現銀亦吃虧、況且乏銀乎。查法大戰時亦近破產、而戰後大收現金、今乃大富、故我非集中現金銀于國庫不可、宜限定在若干元以下、不得流通現銀、平時一以中央鈔幣爲準、而其法如下。

乙、禁現金出口 此止許政府有爲公使用之權。

丙、向華僑買金、輸入祖國、以救國難、并獎其匯現金返國、南洋俗好藏黃金、女飾尤重。云每女兩耳可戴金一斤、故女耳多豁、此雖未可信、然可想其多金也。

丁、獎國內富女售金於國庫。按羅馬婦女、以俠勇顯於世界、因當國難時、常脫簪珥、助國用也、須專辦婦女會以運動之、苟無國、何有家矣。

成、擇易開之金銀礦、從速開採。

### 七、三種會議 均於京師開會。

#### (一)召集國難經濟會議

夫有非常之變必有非常之策禦之、而最要者在經濟、今建築此新農工經濟計劃、其要點有三。

甲、爲組織成全國經濟大力、抵抗外侮、恢復失地。

乙、爲填塞每年洋貨五萬萬兩以上之漏卮、製造國貨。

丙、爲避免階級鬥爭、實現平均地權、節制資本、漸致大同。

故此種新經濟方法、須至公平、在合國與民二者之全力、計劃全國生產之能力、與分配方法、故非開全國經濟會議不可、其組織法如下。

子、代表人數、每縣從學、農、工、商、婦女、五界、各舉一人、共五人、五人中選出一人爲代表、至省。每省選代表人十至京。二十餘省共

二百人。餘由政府加聘專門人才四分之一、與華僑代表若干人、與國貨會代表若干。再加政府十人、共約四五百人、爲全國國難經濟會議。決定籌集此項外抗強權、內安民生、每年二十至四五十萬萬國與民共有之財產、及支配與監核之方法。

#### 丑、會議大綱。

- (一)代表議員、在明了新經濟運用分布方法、與稽核監督其用途、
- (二)專門議員。在作全國物質大建設實施計劃、酌其大小緩急之配分、定機關之組織、
- (三)華僑代表、并重在研究決定對外貿易方針、
- (四)國貨代表、在調查各地國貨洋貨之情況、與需要、
- (五)政府代表、在綜核各方意見、按全局處決之、
- (六)凡議事有難決者、用抽籤定之、

#### 作戰財務計劃

寅、常駐監核員、每省舉出常駐京師監核員三人、華僑則合舉數人、每週抽籤每日輪值三人主席、分赴各處、隨時稽核、國庫省庫賬目、及各工廠一切狀況調閱各地收支案卷、稽核存儲之現金、并公報告之。

此項常駐議員、每年抽籤更換三分之一。

卯、監督稽核算程、另定之、茲述其大綱如左。

(一) 凡理財之事、收、支、儲、核、四權分立、爲表於下。

子、稅務司掌收入、丑、國庫省庫等掌存儲。

寅、辦事各機關掌支出 卯、經濟議會、掌稽核監督。

(二) 地寶鈔幣、存儲國庫省庫縣分庫、至於鄉區、可由郵局代辦。

(三) 所存現金及鈔數、每日由監核員、會同銀業界人員查確公布之。

(四) 非經監核員簽字、不得支出動用。

(五) 違此法者、經全體常駐員之公布、各省一律拒用其發行之鈔票。

## (二)召集全球僑務經濟會議

僑民六百萬、遍於全球、每年匯回金額、以數萬萬計、不但爲殖民上—大利源、亦爲調劑民生上一大救星。今雖日衰落、然改良恢復、未始無法。值此振興國貨經濟之日、應電全球各埠僑民商會、選派代表、或專派、或就近指派、定期蒞京、提出議案、各陳疾苦、共商補救刷新辦法、及保護振興計劃、如關於領事護照、匯兌移住、船支保險交涉等事、凡我目前所能及、無不全力爲之。或回國投資、或發展國貨、或聯合經營、各盡其長、共策邁進。其開會期限、與經濟會議略同時舉行、并派代表參加經濟會議。查各項國貨工廠、若有宜在南洋興辦者、即可在彼興辦、如糖廠之類。

各代表用費由各團體自任。

## (三)召集全國國貨救國會議。

作戰財務計劃

中國自通商以來、据各家統計、損失現金、約在一百萬萬元以上、總理於十年前、謂年虧十二萬萬五千萬元今米麥入口增多金磅更漲、實不止此數、又俄五年計劃成、各方面大機器製造之剩餘品、如龍王吐水、同時傾銷於中國、而我不但絲茶磁被打倒、即米麥棉麻亦仰給外人、所謂以農立國者、亦與商工同破產矣。

而尤奇者、本年度稱國難之年、而洋貨入超特甚、竟將至七萬萬兩、經穆湘玥君分析、則百分之九十、均為銷耗品、而最有用最缺乏之機器、入口僅占百分之三、可見此等卑劣嗜好、實為亡國根本、試舉一例以證明我國民各自造成亡國破產之罪案。

入口外貨表、二十年度、人造絲 一千四百餘萬兩

糖 八千六百餘萬兩 罐頭品 一千二百餘萬兩

烟葉 五千六百餘萬兩  
紙烟

海味二千五百餘萬兩

而應注意者、一切入口貨中、棉織品占三分之一。而全體入口貨、日本貨已占百分之三十、則我乃每年貢獻此稅以助其殺我也、今宜速集全國民而申傲之、老壯婦孺、皆以用洋貨爲辱身辱親辱國、實行甘地之國貨抵抗主義、於全國市村、遍設國貨救國會、分類組織以求詳密、更爲一聯合總會、出一絕大之國貨日報、普及各縣村鎮、詳載日用貨品、與金融狀況、華僑生活、并於各地設大小國貨陳列館、分類調查。供給國人以國貨非國貨之智識、全民齊力、以救將枯之金融、而止流血之脈管。此會與經濟會爲表裏、亦可略先後同時開會、其責在調查經濟失敗之病根、與出口入口之長短得失、而後我新製造之取捨先後、有所依據焉。

#### 國貨救國會議組織法

(一) 令各省專業派代表、每業一人。

作戰財務計劃

(二)由各縣商會、選一人到省、複選代表、每省三人。

(三)徵求已有之各國貨會、各國貨報社、派代表每會每報社一人。

(四)徵求各界對於與國貨之議案。

(五)討論現時急需製造抵制之貨品、而決定應先辦何項工商農業、與如何辦法。

(六)由會議中派代表若干人赴經濟會議、決定製造事項。

(七)代表用費由各團體自任。

## 八、地寶鈔幣之用途

按十七年七月、全國財政會議、有李承翼提案、仿德國戰時財務公司辦法、籌款四萬萬元爲之、但謂脫離政府而獨立、其事亦未易辦到、今此地寶鈔幣數、若每縣平均出一百萬至二百萬、則全國年可得十七八萬萬至三十五六萬萬之譜。以本國之財、仍用之于本國、備化私爲公、教養平民之用



、而以其三分之一或二分之一爲禦侮之需、其支配方法、由國難經濟會決定。然可先提出者。

於一國中或數省數縣、乃至一縣中、擇適宜地點。聘專門科學家、製造技師、工程師、專營各項製造交通以至開礦之業。內之化兵爲工、外而軍械製造、亦皆具於是矣。略述如下

一 製造機器廠

八 開煤礦

二 大規模植麥場

九 開金銀礦

三 大規模植稻場

十 完成交通幹路

四 麵粉場

十一 國防化學廠

五 植棉場

十二 織布呢絨毯等廠

六 紡紗廠

粗細各紗

十三 製革廠

七 煉鋼鐵廠

十四 造紙廠

作戰財務計劃

作戰財務計劃

四八

十五造糖廠

二十五治水疏江河導淮

十六造車廠

火車汽車腳踏車  
各種車附屬品

二十六築港

十七造船廠

二十七設對外貿易統局淮

十八鎗炮廠

二十八設護僑局

十九飛艇廠

二十九設各鄉村無費貸款所

二十電機廠

三十實施強迫教育 訂教員退職獎金

二十一曹達硫酸等廠

三十一設傷兵院

二十二農具廠

三十二設養老 廢疾 恤孤等院

二十三玻璃廠

三十三屯墾局

二十四設中央造幣廠

九、新農工社會職工之待遇

(一)凡在本新農工各廠所服務者、除特聘之中外工程師技師外、平常各管理

之職工，最高薪水，不得超過平常下級工資之十五倍。

(二) 凡職工非有大故，不得開除，但得加以懲罰，輕者罰薪，重者罰作苦工

(三) 凡職工家屬，均得享受本廠醫、藥、教育，及特建住宅、救濟費，與一

切公共娛樂之權利。

(四) 以初入廠三個月至九個月為試驗，每二年加薪一級，至十二年以上男至

六十歲、女至五十五歲者，有享退職俸及入養老院之權利，詳章另訂之

## 十、財務員保障法

(一) 仿法界人員例，保障財界事務人員之獨立，不受主任官員變動之影響。

(二) 無故不得免職。

(三) 以第一年為試驗期，按年升級，服務十二年以上無過者，有退職俸，與

教員同列。

(四) 子弟入相當學校，得減免費。

作戰財務計劃

(五)貪贓在五百元以上者、重罰

### 十一、公有各廠所、生產財物、及利息之獎勵分配。

(一)先維持各廠經濟獨立、不致虧本、視各廠性質、按年計算。

(二)產品售出、先以其所得利息、足以維持地寶鈔幣之信用。

(三)若有紅利、分別職工巧拙勤惰、略加獎勵、并儲蓄、爲增加股本之需、按年推廣、務適于統計之數量。

(四)每年懸賞、以待各技工中能發明新法管理者、新機製造者、與新法推銷分配者、務期日新月異。

(五)應訪世界名廠有名技師、管理專家、不惜重金聘請、或派高才生、分科往習其特別優點捷法。

(六)凡產品、平價發售於全國缺乏之處、視各省需要而供給。

(七)中國所已敷用者、用國力由對外貿易統局、交華僑分售於各國。

(八) 凡抵抗外貨之品、應精考替代之法、合乎應用、逐步擴張。

(九) 凡公有財物、精粗器料、應妥善檢儲、逐期公報、以備公家不時取用。

(十) 產品供公用者、亦須用監核員之嚴密監查、有無濫費及分配之不平。

(十一) 全國各廠出產貨物及利息盈虧、每年統計發表於年報、除維持公共財政地寶鈔幣外、全國各機關、應爲統一之計劃、逐年推廣公有生產事業、

(十二) 今各國營業界生業危險之原因、皆由私有多廠爭競、而製造與銷場、缺乏統計所致、今全國大製造統一、要在全體統計、調查中外社會需要、以定製造數量與其質。

## 跋（方法論）

近自科學發明、凡事必用科學方法、但古無科學名詞、而所稱計劃策略者、皆根據數理、數理即科學方法也。昔范蠡之師曰計然、計然之策有五、越用其三而吳亡、嗚呼設計不其重大歟。留侯之發八難、陳平之設六奇、皆數理設計也、中世紀之改教、路德之設計也。十八世紀以來之民治法理、盧梭之設計也。歐俄之經濟革命、馬克司列寧之設計也。印度之抗英貨、甘地之設計也。日本大陸政策、田中義一等之設計也。夫計劃方法、其動幾微而變動之推移甚大。試觀奕棋者、一着之間、轉敗爲勝。試觀醫師、一味之藥起死回生。某君有病且死、臥床上只手能動搖、或勸練太極拳、漸練至能下牀、以至能行步、竟練至病愈、今且爲北平中央公園之拳教師矣。今上海南洋各地千萬萬萬之富豪、多從昔日小工看門阿三起家、內地各總指揮師長、多從小兵出身。夫一人之身由弱可致強、一人之家

、由貧可致富、由賤可致貴、卽一國亦何嘗絕望委善乎浙江大學美人摩根之言曰、中國今尙不比吾美國壞、中國上海綁票、每日一起、吾美每日有七八十起。故天下事亦在人爲與采用方法耳。仁航幼習朱子之學、又受曾文正家書影響絕大、一字不敢妄言、及在日本習精神科學療病術、初以好奇心學之、繼而試之于家人、各病良驗、四方造診者、有盲可視跛能履之效、此固世所已經驗熟知者也、夫治身醫病、治家理財、與醫國救世、其理何異乎、亦在得方法而已。

夫日本治臺灣三十年、富加三十倍、夫香港上海青島皆荒山沙島海灘也、英德人治之而富百倍。嗚呼地猶是也、在人爲耳。自古患貧弱者無土地無人民也。乃今我據四千萬方里溫帶土地、五萬萬人民而不能發一矢、且非倚賴外債及借債不能生活、眞非崑崙山黃海五嶽四瀆之罪、而大夫士女人民之羞也。考立國之道、中國古用倫理、西國古用神權、近世則皆以物質經濟爲根本、而其方法有三、一英美從私有制、建設資本政府、二、俄國从公有制、建設勞農政府、三、印度甘地

用五千年宗教信仰、以國粹不合作組織、斬除外貨經濟侵略。此三法者中國皆難採用而得速效。故爲原中國固有孔孟以來均田制祿、墨子節用兼愛之意、與近世社會國家理財之法、創爲作戰財務計劃、卽新農工經濟政策。分年而施之、遲則三十年速則十年、節制富人之浪費外耗、作國與民之公共建設。少者自每年二十萬萬起多者卽一百萬萬以上亦決定易辦到。其妙用在以富強公平爲目標、而以一國家爲一大地產營業公司、兼有總銀行發行鈔幣之權、而人民爲其股東、政府爲其經理、使龐大四千萬方里之土地、化身千萬倍、爲有價活動之資本、「土地與資本互相活動國與民互助而共用之」兼有英美俄國印度三種經濟方法之優點、以爲我抗外養內之用。庶幾實現、總理平均地權、節制資本、本遺教以立大同根基焉。此其大略也、若夫實施、自當仍有詳細章程、非全可預期者、亦在多數人核定之耳。



## 劉仁航上軍事委員會救亡十策二十一年二月十日由南京寄洛陽

略謂一、宜組織全國軍隊、名雪恥救國軍。二、定攻守大計、主練空軍攻、陸軍戰、海軍守。三、令各國各縣公私購造飛機、至少一二支。無事民用營業、有事軍用禦侮。重聘外國技師教駛。四、設軍事化學工程技術師講習班。分發各省、關於造藥造炮築壘築濠修理炮臺等實用技術、迅速傳習。五、用極經濟方法、購造魚雷、滅魚雷、潛航艇等、以固海江防務。六、每年籌款一二十萬萬元、爲戰費。七、任用各地志士辦民團、由訓練總監部訓練、有事歸國家選派徵調。八、定中山裝爲制服、以西裝爲外交官禮服、通令全國辦公人員、限用國貨、惟緞布各便。九、豁免國內糧食運稅以惠平民、而加皮貨糖肉等稅。十、宣傳東方人道文化於全球、聯合各國文化、慈善、婦孺團體、創新國際、反對戰爭、組織全球聯邦、實現大同。

二月十五日奉軍委員會覆電、所陳尙中肯綮、應予酌采施行云。

天養館主靈華居士所著統一世界計劃要書

太平洋大戰在即凡有志研究世界前途者不可不讀

東方大同學案 (三元) 吳稚暉先生評爲空前

絕後傑作

天下泰平書 (二元半) 有英法世界語小冊

英文演講、母性全球聯邦計劃

其學理在馬克斯之上、其方法較克魯泡金更精、詩聖太戈爾序爲世界大無畏之政治家

中性化力統一世界策

印度南洋游記

新村公約及宣言書

樂天却病詩 (二元)

各書均不日再版發行處上海四馬路泰東書局

法界西門路仁吉里二十七號國貨日報社

▲發展東方文化

▲制止世界大戰

▲創造母性國際

# 世界兩性大同聯邦主義說明

(注此原理根據人道生理學及數學來做廢戰運動)

世界大同聯邦主義會  
在印度海峽  
志願互助

諸君都知道世界第二天戰快到了。據電學家安迪生的方法。利用電氣化氣可于空中架飛機二十至四十將世界大都市若倫敦巴黎柏林紐約六七百萬人口在二三點鐘內焚滅連雞狗貓虫也都無存。像我們這樣小都市。可想決不用一二點鐘就完了。這兇器真厲害!!我們有何辦法呢?講到中國內戰大致各省動員雄男共二百萬。而歐洲則十天以內。可調雄男二千萬互殺。看來如此性命價值連雞犬也不如。不知究為何故?所謂文明教育。智識階級。終日忙碌。不過得大自殺之結果。萬物之靈性命極賤。雞貓狗虫都不如。不但今日如此也。吾人回查歷史人殺人之醜事。可將衆兇手大殺罪案略記如左。

白起

一夜坑人頭四十萬

項羽

一夜坑人頭二十萬

周瑜

燒曹兵八十三萬

黃巢

殺人頭八百萬

張獻忠

殺人頭六萬萬(此明史所載想統計不確)

成吉思汗父子兄弟

殺人頭五百萬

凱撒

殺人頭一百萬

苛弟死攻墨西哥

殺人頭四百萬

拿破崙

殺人頭二百萬

中華民國二十一年十一月出版

作戰財務計劃

(每冊定價大洋二角)

版權  
所有

著者 劉仁航

校者 吳一鶴

出版者 國貨日報社  
上海法界西門路仁吉里廿七號

印刷者 民益印刷所  
上海四馬路中 電話九七五

總發行所 泰東圖書局  
上海四馬路中一百十九號

發行所 新民飯店  
南京石板橋

各省大書局

53  
72012

KBC  
G  
812.96  
15